

**RJEŠENJE****O IMENOVANJU PREDSEDNIKA I ČLANOVA  
UPRAVNOG ODBORA KANTONALNE AGENCIJE ZA  
PRIVATIZACIJU SARAJEVO****I**

U Upravni odbor Kantonalne agencije za privatizaciju Sarajevo imenuju se:

1. Mr. FERID ŠABOTIĆ, dipl. ecc., predsjednik
2. IBRAHIM BOSTO, dipl. ing. elektrotehnike, član
3. GORAN MEMIĆ, dipl. pravnik, član
4. Mr. GORAN DOSTIĆ, dipl. ecc., član
5. Prof. dr. IZET HORMAN, dipl. ing. maš., član.

**II**

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-05-8901/12  
28. marta 2012. godine  
Sarajevo

Predsjedavajuća  
Skupštine Kantona Sarajevo  
Prof. dr. **Mirjana Malić**, s. r.

**Vlada Kantona Sarajevo**

Na osnovu člana 22. i člana 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03) i članom 105. stav 2. Zakona o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11), Vlada Kantona Sarajevo na 60. sjednici održanoj dana 15.03.2012. godine, donijela je

**ODLUKU****O KRITERIJIMA ZA NOMINIRANJE/IMENOVANJE  
DIREKTORA I ZAMJENIKA DIREKTORA ZAVODA  
ZDRAVSTVENOG OSIGURANJA KANTONA  
SARAJEVO, KOJEG JE OSNIVAČ KANTON  
SARAJEVO****I**

Ovom odlukom, Vlada Kantona Sarajevo utvrđuje kriterije za nominiranje/imenovanje direktora i zamjenika direktora Zavoda zdravstvenog osiguranja Kantona Sarajevo (u daljem tekstu: Zavod), kojeg je osnivač Kanton Sarajevo.

**II**

Za direktora i zamjenika direktora Zavoda može biti nominiran/imenovan kandidat koji ispunjava slijedeće opće uvjete:

- a) da je državljanin Bosne i Hercegovine;
- b) da je stariji od 18 godina;
- c) da ima opću zdravstvenu sposobnost za obavljanje navedene pozicije;
- d) da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
- e) da se na njega ne odnosi član IX.1. Ustava Bosne i Hercegovine - da nije pod optužnicom od strane Međunarodnog tribunala za bivšu Jugoslaviju;
- f) da nije osuđivan za krivično djelo nespojivo sa dužnošću direktora odnosno zamjenika direktora Zavoda;
- g) da mu nije izrečena zaštitna mjera u prekršajnom postupku, nespojiva sa obavljanjem funkcije direktora odnosno zamjenika direktora Zavoda.

**III**

Pored ispunjavanja općih uvjeta iz tačke II ove odluke kandidat koji se nominira/imenuje za direktora i zamjenika direktora Zavoda, treba da ispunjava i slijedeće posebne uvjete i to:

- a) da ima završen VII stepen stručne spreme ekonomskog, pravnog ili medicinskog smjera, a kandidat sa završenim pravnim ili medicinskim fakultetom mora imati dodatnu edukaciju iz oblasti ekonomskih nauka;
- b) da ima najmanje tri (3) godine radnog iskustva na poslovima u oblasti zdravstvenog osiguranja i zdravstvene zaštite;
- c) da ima komunikacijske i organizacijske sposobnosti kao i sposobnosti za timski rad;
- d) da poznaje jedan strani jezik;
- e) da nema privatni - finansijski interes u Zavodu za čijeg se direktora odnosno zamjenika direktora kandiduje i
- f) da nije član upravnog odnosno nadzornog odbora niti jedne ustanove odnosno drugog pravnog subjekta.

**IV**

- (1) Pored uvjeta navedenih u tački II i III ove odluke kandidat koji se kandiduje za direktora odnosno zamjenika direktora Zavoda dužan je dostaviti viziju - plan rada i razvoja Zavoda, kojim se predlaže funkcionisanje i finansiranje zdravstva za mandatni period.
- (2) Direktor i zamjenik direktora ne mogu biti istog zanimanja.

**V**

Prilikom utvrđivanja ili primjene kriterija Vlada Kantona Sarajevo neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

**VI**

Na osnovu općih uvjeta utvrđenih u članu 7. Zakona o ministarskim, vladinim i drugim imenovanjima Federacije Bosne i Hercegovine i kriterija iz tač. II i III ove odluke, Ministar zdravstva Kantona Sarajevo će raspisati javni oglas za poziciju direktora i zamjenika direktora Zavoda u "Službenim novinama Federacije Bosne i Hercegovine" i jednom dnevnom listu velikog tiraža, te predložiti Vladi Kantona Sarajevo sastav Komisije za nominiranje/imenovanje direktora.

**VII**

Kriteriji za nominiranje/imenovanje direktora i zamjenika direktora Zavoda čuvaju se u evidenciji Vlade Kantona Sarajevo.

**VIII**

Stupanjem na snagu ove odluke stavlja se van snage Odluka o kriterijima za nominiranje/imenovanje direktora Zavoda zdravstvenog osiguranja Kantona Sarajevo, kojeg je osnivač Kanton Sarajevo ("Službene novine Kantona Sarajevo", br. 23/03 i 26/04).

**IX**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-6304-11/12  
15. marta 2012. godine  
Sarajevo

Premijer  
**Fikret Musić**, s. r.

**Ministarstvo finansija**

Na osnovu člana 17. stav 2. Zakona o izvršavanju Budžeta Kantona Sarajevo za 2012. godinu ("Službene novine Kantona Sarajevo", broj 33/1) po zahtjevu Sarajevski ratni teatar SARTR-BiH, Ministar finansija donosi slijedeću